



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

j. S. Peter Kettenfeyer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Augustus, Augstmonat/ Hat xxxj. Tag.

pe
E
Peter
ketten.

In der Apostel Geschichte am zwölfften Capitel wirt gemeldet/wie Herodes nach dem Tode Jacobi Johannis Bruder hat auch den Juden zugefallen / Sanct Petern den Apostel gegriffen / vnd ihn durch vier viertheil Kriegsknecht zuerwaren vberantwortet / vnd nach dem Osterfest dem Volck fürzufellen gedacht / Das Volck aber der Christlichen Gemein/bittet zu Gott für Perrum / vnd in derselbigen Nacht / da ihn den Morgen Herodes wolt fürstellen / schliesse Petrus zwischen zweyen Kriegsknechten gebunden / mit zwo Ketten / Der Engel des H Erren aber kam daher / vnd ein Liecht erschein in dem gemach / vnd wecket ihn auff / vnd die Ketten helen ihm von seinen Händen / vnd ward also wunderbarlich durch den Engel des H Erren vonn der Tyrannen Herodis vnd der Juden entlediget / Darüber sich alle seine Mitbrüder höchlich verwunderten / vnd die Herodianischen Hoffstrangen hoch erschracken. Darauß sehen wir / wie wunderbarlich G D T denen / so ihn anruffen

im ängsten / durch seine liebe Engel auß sol-
chen vnd anderen gefährigkeiten gnädig-
lich hilffet / Darvon der 34. vnd 91. Psalmen
sagen.

Die Historia von Sanct Stephano / dem
ersten beständigen bekennner Jesu Christi/
wollen wir an seinem orth hernach / vnd jekt
vmb der Ordnung willen / vonn anderen heyl-
igen Märtyrern / Stephani genandt / sagen:
Dieser Stephanus Brunnus ist in Delphina-
in von etlichen Verfolgern des Euangelij häff-
tig angefochten / vnd ihm alle seine Haab vnd
Güter / durch des Bischoffs diener genömen/
vnd er durch die Inquisitores der Lutheri-
schen Secten (wie sie es nennen) als ein Ke-
ker zu dem Feuer verdampt / vnd nach vielen
Christlichen Gesprächen zu dem Feuer gefü-
ret worden / In solchen gräwlichen anfechtun-
gen allen hat er sich so vnerschrocken / vnd so
ganz beständig erzeiget / daß er saget zu seinen
Verfolgern : Was / meinet ihr mir hiemit das
Lebe zunehmen? ja das zeitlich / Aber das ewig
so mir durch meinen HERRN Christum er-
worben vnd bereyter ist / gehe ich jekt frölich da-
hin

Steph
D
ij
Stephanus
Brunnus.

P ij hin